



## Møtebok for Næringsfondsstyret

**Møtedato:** 06.03.2018  
**Møtestad:** Konferansrommet  
**Møtetid:** 09:00 - 11:30

Kvar og ein av søkjarane presenterer sakene sine for næringsfondstyret  
kl 0900 iModalen  
kl 1000 Oddbjørn Trohaug  
kl 1100 Kristin Nåmdal og Sigrun Dale

| Frammøtte medlemmer   | Parti | Rolle      | Merknad |
|-----------------------|-------|------------|---------|
| Tom Kristian Thorsen  | SO    | Utvalseiar |         |
| Kristin Nåmdal        | SA    | Medlem     |         |
| Ann-Jorunn Farestveit | SO    | Medlem     |         |
| Kjetil Eikefet        | SA    | Medlem     |         |

| Forfall meldt frå medlem: | Parti | Rolle  | Merknad       |
|---------------------------|-------|--------|---------------|
| Linda Neset               | SO    | Medlem | Meldt forfall |

| Frammøtte varamedlemmer: | Parti | Rolle      | Merknad                              |
|--------------------------|-------|------------|--------------------------------------|
| Frank Stian Steinsland   | SO    | Varamedlem | Vara for Linda neset                 |
| Liv Anne Aanesen         | SA    | Varamedlem | Vara for Kristin Nåmdal i sak 006/18 |

| Frå administrasjonen: | Funksjon:            | Rolle          | Merknad |
|-----------------------|----------------------|----------------|---------|
| Jo Bjarte Tømmerbakke | Rådmann              | Møtesekretær   |         |
| Ove Sæbø              | Assisterande rådmann | Administrasjon |         |

## Sakliste

| Saknr    | Tittel                                                                        |
|----------|-------------------------------------------------------------------------------|
| 001/2018 | Godkjenning av innkalling og saksliste                                        |
| 002/2018 | Godkjenning av møtebok                                                        |
| 003/2018 | Orienteringssaker                                                             |
| 004/2018 | Framlegg til vedtak - søknad om tilskot til destinasjonsselskap for reiseliv. |
| 005/2018 | Framlegg til vedtak - søknad om tilskot til tilslagslaboratorium.             |
| 006/2018 | Framlegg til vedtak - Søknad frå Sognafloren bakeri og lokalutsal.            |

## Sakspapir

| Saksbehandler           | Arkiv              | ArkivsakID |
|-------------------------|--------------------|------------|
| Anneli Vathe Lilletvedt | FE - 033, TI - &17 | 18/62      |

| Saksnr   | Utvalg             | Type | Dato       |
|----------|--------------------|------|------------|
| 001/2018 | Næringsfondsstyret | PS   | 06.03.2018 |

### Godkjenning av innkalling og saksliste

#### Forslag til vedtak:

Innkalling og sakliste vert godkjent

#### Saksopplysningar:

### Næringsfondsstyret - 001/2018

#### NF - behandling:

Samrøystes godkjent

#### NF - vedtak:

Innkalling og sakliste vert godkjent

## Sakspapir

| Saksbehandler           | Arkiv              | ArkivsakID |
|-------------------------|--------------------|------------|
| Anneli Vathe Lilletvedt | FE - 033, TI - &17 | 18/62      |

| Saksnr   | Utvalg             | Type | Dato       |
|----------|--------------------|------|------------|
| 002/2018 | Næringsfondsstyret | PS   | 06.03.2018 |

### Godkjenning av møtebok

#### Forslag til vedtak:

Møtebok vert godkjend slik ho ligg føre

#### Saksopplysningar:

### Næringsfondsstyret - 002/2018

#### NF - behandling:

Samrøystes vedteke

#### NF - vedtak:

Møtebok vert godkjend slik ho ligg føre

#### Vedlegg:

Protokoll - Næringsfondsstyret - 21.11.2017

## Sakspapir

| Saksbehandler           | Arkiv              | ArkivsakID |
|-------------------------|--------------------|------------|
| Anneli Vathe Lilletvedt | FE - 033, TI - &17 | 18/62      |

| Saksnr   | Utvalg             | Type | Dato       |
|----------|--------------------|------|------------|
| 003/2018 | Næringsfondsstyret | PS   | 06.03.2018 |

### Orienteringssaker

#### Forslag til vedtak:

Sakene vert tekne til orientering

#### Saksopplysningar:

### Næringsfondsstyret - 003/2018

#### NF - behandling:

Assisterande rådmann Ove Sæbø orienterte kort om administrativt avslag på søknad om støtte på 60 000 kr til Seacamp. Avslaget er begrunna med at samme tiltak var søkt om i førre søknad frå Seacamp som vart innvilga støtte til.

Ove Sæbø informerte kort om at budsjettet til næringsfondet i 2018 er vidareført med same sum som i 2017, som er 2,4 mill kr. I 2017 vart det innvilga støtte frå næringsfondet på tilsaman ca 2,2 mill kr

#### NF - vedtak:

Sakene vert tekne til orientering

## Sakspapir

| Saksbehandler | Arkiv    | ArkivsakID |
|---------------|----------|------------|
| Ove Sæbø      | FE - 223 | 18/43      |

| Saksnr   | Utvalg             | Type | Dato       |
|----------|--------------------|------|------------|
| 004/2018 | Næringsfondsstyret | PS   | 06.03.2018 |

### Framlegg til vedtak - søknad om tilskot til destinasjonsselskap for reiseliv.

#### Forslag til vedtak:

Modalen kommune løyver inntil kr. 576 250,- i tilskot frå næringsfondet til felles reiselivssatsing for iModalen. Løyvinga skal dekkje kosntader i tråd med søknad d. 31.01.18.

Følgande vilkår ligg til grunn for vedtaket:

- Det må avklarast og meldast til Modalen kommune kven som er ansvarleg for prosjektmedarbeidaren (arbeidsgjevaransvar).
- Modalen kommune utbetalar tilskotet forskotsvis for 1 år om gangen og i 3 like store summar. iModalen sender Modalen kommune faktura forskotsvis.
- iModalen skal utøve aktiv og inviterande haldning m.o.t. andre aktuelle aktørar som også kan bidra med sine produkt/tenester innanfor reiselivsutviklinga i kommunen.
- iModalen samarbeider med «Region Bergen» m.o.t. reiselivssatsing.
- Det skal sendast årleg statusrapport inkl. rekneskap for bruk av løyvd tilskot til Modalen kommune.
- Tilskotet vert utbetalt på grunnlag av medgåtte kostnader i høve kostnadsoppsettet i søknaden. Dersom faktiske kostnader vert vesentleg lågare enn budsjettert, vil innvilga tilskot verte redusert prosentvis i høve faktiske kostnader.
- Rekneskapet skal vere attestert av revisor eller anna kvalifisert person for dei som ikkje har revisorplikt.
- Første utbetaling må skje innan eit år frå vedtaksdato. Dersom det vert trong for forlenging, kan ein søkje forlenging innan fristen for gjennomføring.

#### Saksopplysningar:

Reiselivsaktørane i Modalen (8 stk.) er organisert gjennom iModalen og søker om tilskot frå Modalen kommune sitt næringsfond til å gjennomføre:

- Organisasjonsutvikling: kostnader knytt til å finanisere ein prosjektstilling i 30 % over ein

periode på 3 år, og som skal arbeide fram reiselivsprodukt og marknadsføre desse.

- Marknadsutvikling.

Totalkostnaden for heile prosjektet er kr. 946 250,- og er finansiert ved:

- Kr. 100 000,- i egenkapital.
- Kr. 150 000,- i eigeninnsats.
- Kr. 120 000,- i tilskot frå Osterfjorden Næringsfond.
- Kr. 576 250,- i tilskot frå Modalen kommune sitt næringsfond.

### **Bakgrunn**

Reiselivsaktørar/-interesserte i Modalen har sidan hausten 2016 møttes ca. kvar 5 veke for å drøfte utvikling for næringa. Hausten 2017 vart det gjeve tilskot frå Osterfjorden næringsfond på ca. kr. 25 000,- til utvikling av strategi for reiselivsutviklinga i Modalen. I strategien vart det vist til at ein ville søkje å få på plass ein deltidss prosjektstilling som kunne ivareta satsinga på vegne av alle aktørane.

### **Vurdering**

Tiltaket er i tråd med satsing i strategisk næringsplan. Fokusområdet *reiseliv* har som målsetjing å utvikle eksisterande og nye reiselivsprodukt. Fleire moglege næringar innanfor reiseliv er naturbaserte og vil difor også komme inn under fokusområdet *naturressursar*. I tillegg treff tiltaket på fokusområdet *gründer, etablering, entrepenør og innovasjon* ved at verksemdene/personane går saman og skipar eige destinasjonsselskap. Til slutt treff tiltaket på *kompetanse og samarbeid* gjennom at ein går saman om felles satsing innanfor ei vekstnæring.

Tildelingskriteriane i strategisk næringsplan har øvste kategori nr. 3, og som gjev inntil 50 % stønad. Det er i tillegg vist til at det i særlege tilfelle kan tildelast *utover* kat. 3. Rådmannen viser til at reiseliv har vore ei satsing også i førre strategiske næringsplan (90-talet). Vurderinga er at det no er arbeidd fram ei systematisk satsing i ein fellesskap. Det er vanskeleg å sjå føre seg at dette kunne blitt arbeidd fram på anna vis med mindre ein kopla på eksterne aktørar / finansieringskjelder. Det har ikkje vore tilfelle så langt. Vurderinga er at tiltaket kvalifiserer for tilskot utover kat. 3, 61 % av totale kostnader.

Tiltaket er i tråd med næringsfondsvedtektene i forhold til mogleg effekt på busetnad og sysselsetjing. Dersom ein får styrkje reiselivsnæringa vil det kunne gje auka grunnlag både for sesong- og heilårsarbeidsplassar. Det er rimeleg å leggje til grunn at prosjektet vil bidra til nyskaping innanfor både marknadsføring, samt produkt-/servivetilbod. Ein kan også forvente at dei involverte verksemdene vil oppleve vekst/utvikling.

### **Konklusjon**

Rådmannen stiller seg bak prosjektet og vurderer at det er eit godt utgangspunkt for å ta reiselivssatsinga viktige steg vidare.

## **Næringsfondsstyret - 004/2018**

### **NF - behandling:**

Liv Anne Aanensen orienterte kort om søknaden på vegne av aktørane som står bak den felles reiselivssatsinga.

Kristin Nåmdal stilte spørsmål om eigarskapsmodell i tiltaket i høve habilitet i handsaminga av saka.

Liv Anne Aanensen orienterte om at eigarskap i denne søknaden er berre eit døme på korleis det kan organiserast, og korleis eigarskapet kan sjå ut. Ingen aktørar har pr i dag investert i eigarandelar, slik det kan sjå ut i utfyllinga av søknaden. Det vil og vere mogleg for andre enn dei potensielle som er nemnt å knyte seg til. Næringsfondstyret konkluderte dermed at alle medlemmane er habil til å handsame søknaden slik den ligg føre.

Framlegg til vedtak vart samrøystes vedteke.

### **NF - vedtak:**

Modalen kommune løyver inntil kr. 576 250,- i tilskot frå næringsfondet til felles reiselivssatsing for iModalen. Løyvinga skal dekkje kosntader i tråd med søknad d. 31.01.18.

Følgande vilkår ligg til grunn for vedtaket:

- Det må avklarast og meldast til Modalen kommune kven som er ansvarleg for prosjektmedarbeidaren (arbeidsgjevaransvar).
- Modalen kommune utbetalar tilskotet forskotsvis for 1 år om gangen og i 3 like store summar. iModalen sender Modalen kommune faktura forskotsvis.
- iModalen skal utøve aktiv og inviterande haldning m.o.t. andre aktuelle aktørar som også kan bidra med sine produkt/tenester innanfor reiselivsutviklinga i kommunen.
- iModalen samarbeider med «Region Bergen» m.o.t. reiselivssatsing.
- Det skal sendast årleg statusrapport inkl. rekneskap for bruk av løyvd tilskot til Modalen kommune.
- Tilskotet vert utbetalt på grunnlag av medgåtte kostnader i høve kostnadsoppsettet i søknaden. Dersom faktiske kostnader vert vesentleg lågare enn budsjettert, vil innvilga tilskot verte redusert prosentvis i høve faktiske kostnader.
- Rekneskapet skal vere attestert av revisor eller anna kvalifisert person for dei som ikkje har revisorplikt.
- Første utbetaling må skje innan eit år frå vedtaksdato. Dersom det vert trong for forlenging, kan ein søkje forlenging innan fristen for gjennomføring.

### **Vedlegg:**

Søknad om tilskot til destinasjonsselskap for reiseliv

resultset\_533\_586\_vedlegg1.xlsx



## Sakspapir

| Saksbehandler | Arkiv              | ArkivsakID |
|---------------|--------------------|------------|
| Ove Sæbø      | FE - 223, FA - U01 | 18/64      |

| Saksnr   | Utvalg             | Type | Dato       |
|----------|--------------------|------|------------|
| 005/2018 | Næringsfondsstyret | PS   | 06.03.2018 |

### Framlegg til vedtak - søknad om tilskot til tilslagslaboratorium.

#### Forslag til vedtak:

Modalen kommune løyver inntil kr. 250 886,- i lån og inntil kr. 157 257,- i tilskot ( til saman 50 % av søknadsgrunnlaget) til Oddbjørn Trohaug til etablering av tilslagslaboratorium i Modalen.

Følgande føresetnader ligg til grunn:

- Det må ligge føre kommunalt løyve til etablering av tiltak på aktuell tomt før utbetaling kan finne stad.
- Søknad d. 20.02.18 ligg til grunn for løyvingane.

#### Vilkår for utbetaling av tilskot:

Tilskotet vert utbetalt på grunnlag av medgåtte kostnader i høve kostnadsoppsettet i søknaden som ligg til grunn for tilsegnet. Dersom faktiske kostnader vert vesentleg lågare enn budsjettert, vil innvilga tilskot verte redusert prosentvis i høve faktiske kostnader.

Før utbetaling skal mottakaren ha levert rekneskap som er spesifisert i samsvar med kostnadsoverslaget. Rekneskapet skal vere attestert av revisor eller anna kvalifisert person for dei som ikkje har revisorplikt.

Utbetaling må skje innan eit år frå vedtaksdato. Dersom det vert trong for forlenging, kan ein søkje forlenging innan fristen for gjennomføring.

#### Vilkår for utbetaling av lån:

Innvilga lån vert utbetalt etter framlagt dokumentasjon av fullfinansiering.

Denne tilsegna må nyttast innan 1 år frå tilsegnsdato, ellers fell den bort. Det er høve til å søkje forlenging av fristen.

#### Lånevilkår:

Lånet kan utbetalast når investeringane er gjennomført. Lånet skal attendebetalast med like store avdrag over 5 år.

Lånerenta vert berekna etterskotsvis basert på den til kvar tid gjeldande renta for Næringsfondet.

Utbetaling av lån over kr 50.000.- skal sikrast med tinglyst pantekrav med prioritet etter andre lån til selskapet.

#### Andre vilkår:

Innvilga lån og tilskot kan krevjast attende dersom verksemda opphøyrer, vert seld eller flyttar frå kommunen innan 5 år frå tilsegnsdato.

Likeeins kan lån og tilskot krevjast attendebetalt heilt eller delvis dersom bygg og inventar/ utstyr m.v. som er finansiert med støtte frå Næringsfondet, vert seld eller nytta til anna føremål enn føresett innan 5 år frå tilsegnsdato. Stønadsmottakaren pliktar på førehand å gje melding til styret for Næringsfondet om sal eller bruksending i dette tidsrommet.

#### **Saksopplysningar:**

Søkjær ynskjer å etablere tilslagslaboratorium for prøvetaking av m.a. steinprodukt. Prøvetakinga skal dekkje produsentar sine behov for produksjonskontroll. Det skal i tillegg utførast konsulentverksemd m.o.t. sertifisering og kvalitetskontroll. Kundesegment er alle firma som produserer steinmaterialar (jfr. aktuelle NS-standardar omtala i søknad.).

Søknaden omfattar totale kostnader på kr. 816 286,- kor laboratorieutstyr er ført opp med kr. 547 736,-. Øvrige kostnader er bilhengar, brakker, transport av brakker, el-installasjon og stålhall, til saman kr. 268 552,-.

Finansiering av tiltaket:

- Lån kr. 489 029,-
- Tilskot kr. 157 257,-
- Eigenkapital kr. 170 000,-.

Det er pr. søknadstidspunkt ikkje søkt lån hjå annan finansierringsskjelde utover søknad til næringsfondet.

#### **Bakgrunn**

Søkjær viser til kompetanse og erfaring innanfor næringa. Han trekk fram kunnskap om marknaden, og har gjort vurderingar som viser at det er plass til ny aktør i marknaden. Han viser god oversikt og innsikt i næringa, og trekk utifrå det slutningar om at etablering og marknadsel er sannsynleg å oppnå. Han viser til at marknaden er i vekst ved at testbehov av aktuelle produkt berre er aukande.

Søkjær har gjort enkle analysar om marknaden og dei aktørar som vert konkurrentar m.o.t. til kundevolum og marknasdel målt i kronebeløp. Det er gjort vurderingar styrka/svake punkt hjå aktuelle konkurrentar i marknaden.

Søkjær har lagt ved detaljert innkjøpsliste for lab-utstyr, likviditetsbudsjett og salsbudsjett som syner realisme i økonomien, inkludert nøkternt lønsuttak.

#### **Vurdering**

Rådmannen vurderer at næringa relaterer seg til den historiske sandindustrien i Modalen. Søkjær

budsjetterer med 1 ny arbeidsplass ved oppstart. Deretter tilsett nr. 2 innan 3 år, og tilsett nr. 3 innan 5 – 7 år. For Modalen er det vesentleg bidrag innanfor sysselsetjinga, inkl. kompetansenæring. Ein er såleis i tråd med kriteria i næringsfondsvedtektene som vektlegg sysselsetjingseffekt. Slikt tiltak vil også kunne ha positiv påverknad på busetninga - arbeidsplassar gjev grunnlag for å bu. Søkjar har vektlagt at det er viktig at Modalen er staden etablering og drift skal finne stad.

Nyskappings- og vidareutviklingsperspektivet er til stades ved at ein byggjer ny verksemd innanfor ei historisk næring. Stein/sand som utgangspunkt kan vere grunnlag for mange og ulike næringsvegar.

Tiltaket er i tråd med strategisk næringsplan sine fokusområde: naturressursar, gründer/etablering kor det er lagt til grunn at det skal vere aktiv støtte frå næringsfondet.

Rådmannen vurderer med utgangspunkt i potensiell sysselsetjingseffekt, samt nyskappings-/utviklingsperspektiv, tiltaket til å hamne i kat. 3 – samla stønad inntil 50 %.

### **Konklusjon**

Rådmannen rår til at tiltaket vert løyvd stønad med inntil 50 % av totale kostnader, jfr. søknad. For at tiltaket skal bli realisert forutset det kr. 170 000,- i eigenkapital og kr. 238 143,- frå annan finansieringskjelde. Rådmannen rår til at kr. 250 886,- vert gjeve som lån og kr. 157 257,- vert løyvd som tilskot.

## **Næringsfondsstyret - 005/2018**

### **NF - behandling:**

Oddbjørn Trohaug orienterte om søknaden og bedrifta han vil starte opp. Kjetil Eikefet og Kristin Nåmdal kommenterte at ein er sær positiv til søknaden og at satsinga har stort potensial og er midt i målgruppa for næringslivssatsinga i kommunen.

Under spørsmålsrunden etter presentasjonen ba Oddbjørn Trohaug om at ein vurderte å auke tilskotet og redusere lånet innafor ei samla ramma på 50% av dei totale kostnadane på 816 286 kr. Han hadde opprinneleg søkt Næringsfondet om 408 143 kr, med eit oppsett på 157 257 kr i tilskot og resten i lån. Denne fordelinga vart nytta i administrasjonen si handsaming av saka.

Ordførar låg fram framlegg om å tildele same totalsum på 408 143 kr, men endre fordelinga mellom tilskot og lån slik at 50% av tilskotet er lån og 50% er tilskot. Dei andre føresetnadane for tildelinga vert uendra. Framlegget vart samrøystes vedteke.

### **NF - vedtak:**

Modalen kommune løyver inntil kr. 204 072,- i lån og inntil kr. 204 072,- i tilskot ( til saman 50 % av søknadsgrunnlaget) til Oddbjørn Trohaug til etablering av tilslagslaboratorium i Modalen.

Følgande føresetnader ligg til grunn:

- Det må ligge føre kommunalt løyve til etablering av tiltak på aktuell tomt før utbetaling kan finne stad.

Søknad d. 20.02.18 ligg til grunn for løyvingane.

#### Vilkår for utbetaling av tilskot:

Tilskotet vert utbetalt på grunnlag av medgåtte kostnader i høve kostnadsoppsettet i søknaden som ligg til grunn for tilsegnet. Dersom faktiske kostnader vert vesentleg lågare enn budsjetttert, vil innvilga tilskot verte redusert prosentvis i høve faktiske kostnader.

Før utbetaling skal mottakaren ha levert rekneskap som er spesifisert i samsvar med kostnadsoverslaget. Rekneskapet skal vere attestert av revisor eller anna kvalifisert person for dei som ikkje har revisorplikt.

Utbetaling må skje innan eit år frå vedtaksdato. Dersom det vert trong for forlenging, kan ein søkje forlenging innan fristen for gjennomføring.

#### Vilkår for utbetaling av lån:

Innvilga lån vert utbetalt etter framlagt dokumentasjon av fullfinansiering.

Denne tilsegna må nyttast innan 1 år frå tilsegnsdato, ellers fell den bort. Det er høve til å søkje forlenging av fristen.

#### Lånevilkår:

Lånet kan utbetalast når investeringane er gjennomført. Lånet skal attendebetalast med like store avdrag over 5 år.

Lånerenta vert berekna etterskotsvis basert på den til kvar tid gjeldande renta for Næringsfondet.

Utbetaling av lån over kr 50.000.- skal sikrast med tinglyst pantekrav med prioritet etter andre lån til selskapet.

#### Andre vilkår:

Innvilga lån og tilskot kan krevjast attende dersom verksemda opphøyrer, vert seld eller flyttar frå kommunen innan 5 år frå tilsegnsdato.

Likeeins kan lån og tilskot krevjast attendebetalt heilt eller delvis dersom bygg og inventar/ utstyr m.v. som er finansiert med støtte frå Næringsfondet, vert seld eller nytta til anna føremål enn føresett innan 5 år frå tilsegnsdato. Stønadsmottakaren pliktar på førehand å gje melding til styret for Næringsfondet om sal eller bruksending i dette tidsrommet.

#### **Vedlegg:**

Næringsfondet søknad om tilskotttil tilslagslaboratorium

Driftsbudsjett Optimistisk

Driftsbudsjett Pessimistisk

Driftsbudsjett Realistisk

Kapitalbehov

Forretningsplan

Kapitalbehov

## Sakspapir

| Saksbehandler | Arkiv              | ArkivsakID |
|---------------|--------------------|------------|
| Ove Sæbø      | FE - 223, FA - U01 | 17/50      |

| Saksnr   | Utvalg             | Type | Dato       |
|----------|--------------------|------|------------|
| 006/2018 | Næringsfondsstyret | PS   | 06.03.2018 |

### Framlegg til vedtak - Søknad frå Sognafloren bakeri og lokalutsal.

#### Forslag til vedtak:

Modalen kommune løyver inntil kr. 190 000,- i lån og inntil kr. 190 000,- i tilskot frå Næringsfondet til Kristin Nåmdal og Sigrun Dale til etablering og utvikling av Sognefloren på Mo. Dette utgjer til saman 50 % av totale kostandar for tiltaket. Løyvingane skal nyttast til etablering av bakeridrift og tilrettelegging for produksjon av tradisjonsmat og lokalproduktutsal i tråd med søknad d. 21.02.18.

#### Vilkår for utbetaling av tilskot:

Tilskotet vert utbetalt på grunnlag av medgåtte kostnader i høve kostnadsoppsettet i søknaden som ligg til grunn for tilsegnet. Dersom faktiske kostnader vert vesentleg lågare enn budsjettert, vil innvilga tilskot verte redusert prosentvis i høve faktiske kostnader.

Før utbetaling skal mottakaren ha levert rekneskap som er spesifisert i samsvar med kostnadsoverslaget. Rekneskapet skal vere attestert av revisor eller anna kvalifisert person for dei som ikkje har revisorplikt.

Utbetaling må skje innan eit år frå vedtaksdato. Dersom det vert trong for forlenging, kan ein søkje forlenging innan fristen for gjennomføring.

#### Vilkår for utbetaling av lån:

Innvilga lån vert utbetalt etter framlagt dokumentasjon av fullfinansiering.

Denne tilsegna må nyttast innan 1 år frå tilsegnsdato, ellers fell den bort. Det er høve til å søkje forlenging av fristen.

#### Lånevilkår:

Lånet kan utbetalast når investeringane er gjennomført. Lånet skal attendebetalast med like store avdrag over 5 år.

Lånerenta vert berekna etterskotsvis basert på den til kvar tid gjeldande renta for Næringsfondet. Utbetaling av lån over kr 50.000.- skal sikrast med tinglyst pantekrav med prioritet etter andre lån til selskapet.

#### Andre vilkår:

Innvilga lån og tilskot kan krevjast attende dersom verksemda opphøyrer, vert seld eller flyttar frå kommunen innan 5 år frå tilsegnsdato.

Likeeins kan lån og tilskot krevjast attendebetalt heilt eller delvis dersom bygg og inventar/ utstyr m.v. som er finansiert med støtte frå Næringsfondet vert seld eller nytta til anna føremål enn føresett innan 5 år frå tilsegnsdato. Stønadmottakaren pliktar på førehand å gje melding til styret for Næringsfondet om sal eller bruksendring i dette tidsrommet.

### **Saksopplysningar:**

Søkjarane ynskjer å etablere minibakeri og lokalproduktutsal i Sognafloren på Mo. Verksemda sine forretningsidéar er:

- levere til brød til bedrifter, innbyggjere og tilreisande
- formidle lokalproduserte varer.
- tilby kurs i tradisjonsmat.
- samarbeide med Mo skule om ungt entrepenørskap.
- bli ein arena for tradisjonsformidling av matkultur.

Totalkostnaden for denne fasen er kr. 759 000,- kor byggt tekniske tiltak (kr. 221 000,-), Inventar og utstyr (kr. 342 000,-) og marknadsføring og profilering (kr. 60 000,-) utgjer hovudpostane.

Tiltaket er planlagt finansiert ved:

- Eigeninnsats: kr. 136 000,-
- Eigenkapital: kr. 150 000,-
- Privatlån e.l.: kr. 94 000,-
- *Lån/tilskot frå næringsfondet:* kr. 380 000,-

### **Bakgrunn**

Søkjarane har i tidlegare to forprosjekt gjennomført marknadsundersøking og tekniske og faglege vurderingar knytt til Sognafloren som eigna etableringsstad. Vurderingane stettar opp under tiltaket.

Søkjarane har erfaring innanfor nettverk knytt til reiseliv/aktivitet på Mo, og søker å få på plass ein kombinasjon av minibakeri og lokalproduktutsal. Slik viser dei til at tiltaket også vil gagne andre noverande og framtidige aktørar.

### **Vurdering**

Tiltaket er som søkjarane viser til i tråd med strategisk næringsplan på områda *fokusområda, reiseliv, gründer/etablering og omdøme*.

Rådmannen si vurdering er at tiltaket ikkje berre må sjåast isolert. Sognafloren ligg sentralt på Mo. Lokalsamfunnet er avhengig av lokalutvikling frå private aktørar. Sognafloren vil kunne få eit løft som i neste omgang kan huse fleire aktørar sine interesser. Ein kan få ein «vegkrysseffekt» i Sognafloren.

Det vil kunne danne grunnlag for at innbyggjarane + tilreisande, samt tilbydarar får eit sentralt punkt å rette seg mot – eit utviklingsmiljø.

Det går føre seg aktivitet knytt til mosand-huset, destinasjonsselskap og tidlege vurderingar knytt til båtruteaktivitet langs Osterfjorden. I tillegg opererer Rødne cruisetilbod inntil Mo. Det er nærliggande å tenkje at Modalen må kunne tilby meir knytt til produkt og tenester dersom ein skal kunne auke tilfang av innbyggjarar og tilreisande. Rådmannen ser den totale aktiviteten som no går føre seg i ein samanheng og vektar at tilbodet som søkjarane ynskjer å etablere bør stettast.

Søkjarane syner risikovilje gjennom eigeninnsats- og eigenkapitaldel på 37 %. For at tiltaket skal kunne gjennomførast vil det vere behov for kr. 94 000,-, (13 %) tilleggskapital utover evt. stønad frå næringsfondet.

### **Konklusjon**

Rådmannen si vurdering er at tiltaket kjem i kat. 3 (jfr. strategisk næringsplan). Vurderinga er knytt til synergipotensial ved at det har ein høg lokalsamfunnsutviklingsverdi, samt at det har betydning får busetnaden at innbyggjarane får ta del – både som næringsaktørar, men og som kundar/deltakarar. Det er absolutt mogleg å tenkje seg at eit minibakeri vil kunne ha ein tiltrekkingsverdi også regionalt.

I tillegg representerer tiltaket høg grad av nyskaping, samt vidareutvikling av Sognafløren. Tiltaket er basert på at andre aktørar også skal kunne vidareutvikle sine verksemder i samarbeid med Sognafløren.

Rådmannen rår difor til at tiltaket vert stetta med inntil 50 % av totale kostnader kor 25 % vert løyvd som tilskot og 25 % som lån.

## **Næringsfondsstyret - 006/2018**

### **NF - behandling:**

Kristin Nåmdal erklærte seg inhabil i saka, då ho er ein av søkjarane bak tiltaket i lag med Sigrun Dale. Liv Anne Aanensen kom inn som vara i saka.

Kristin Nåmdal orienterte om søknaden og naudsynte tiltak for å realisere oppstart av bakeri og lokalutsal. Kristin Nåmdal informerte om at nokre av summane i søknaden var feil, då det mangla mva avgift på arbeidet med oppgradering og isolering av silobygget, samt elektrisk arbeid.

Administrasjonen ba om å få oppdatert søknad med dei nye summane.

Ordførar låg fram administrasjonen sitt framlegg til vedtak til votering, med ei samla ramme på 50 % av dei totale kostnadane, og fordeling der halvparten er lån og halvparten er tilskot. Summane i vedtaket vert korrigert i henhold til den oppdaterte søknaden inkludert mva på dei områda som mangla. Dei samla kostnadane er i oppdatert søknad i etterkant av møtet korrigert til kr 832 500,-, og søknadssummen er korrigert til kr 416 250,-

### **NF - vedtak:**

Modalen kommune løyver inntil kr. 208 125,- i lån og inntil kr. 208 125,- i tilskot frå Næringsfondet til Kristin Nåmdal og Sigrun Dale til etablering og utvikling av Sognefløren på Mo. Dette utgjer til saman

50 % av totale kostandar for tiltaket. Løyvingane skal nyttast til etablering av bakeridrift og tilrettelegging for produksjon av tradisjonsmat og lokalproduktutsal i tråd med søknad d. 21.02.18, og korrigert søknad d. 09.03.18

Vilkår for utbetaling av tilskot:

Tilskotet vert utbetalt på grunnlag av medgåtte kostnader i høve kostnadsoppsettet i søknaden som ligg til grunn for tilsegnet. Dersom faktiske kostnader vert vesentleg lågare enn budsjettert, vil innvilga tilskot verte redusert prosentvis i høve faktiske kostnader.

Før utbetaling skal mottakaren ha levert rekneskap som er spesifisert i samsvar med kostnadsoverslaget. Rekneskapet skal vere attestert av revisor eller anna kvalifisert person for dei som ikkje har revisorplikt.

Utbetaling må skje innan eit år frå vedtaksdato. Dersom det vert trong for forlenging, kan ein søkje forlenging innan fristen for gjennomføring.

Vilkår for utbetaling av lån:

Innvilga lån vert utbetalt etter framlagt dokumentasjon av fullfinansiering.

Denne tilsegna må nyttast innan 1 år frå tilsegnsdato, ellers fell den bort. Det er høve til å søkje forlenging av fristen.

Lånevilkår:

Lånet kan utbetalast når investeringane er gjennomført. Lånet skal attendebetalast med like store avdrag over 5 år.

Lånerenta vert berekna etterskotsvis basert på den til kvar tid gjeldande renta for Næringsfondet.

Utbetaling av lån over kr 50.000.- skal sikrast med tinglyst pantekrav med prioritet etter andre lån til selskapet.

Andre vilkår:

Innvilga lån og tilskot kan krevjast attende dersom verksemda opphøyrer, vert seld eller flyttar frå kommunen innan 5 år frå tilsegnsdato.

Likeeins kan lån og tilskot krevjast attendebetalt heilt eller delvis dersom bygg og inventar/ utstyr m.v. som er finansiert med støtte frå Næringsfondet vert seld eller nytta til anna føremål enn føresett innan 5 år frå tilsegnsdato. Stønadsmottakaren pliktar på førehand å gje melding til styret for Næringsfondet om sal eller bruksendring i dette tidsrommet.

**Vedlegg:**

Oppdatert søknad næringsfond minibakeri

Foretningsplan for Modalsbrød fase to